



## Fråsegn til søknader om utsett byggjefrist for Sessaelva kraftverk og Haugaelva kraftverk i Gloppen kommune

---

**Statsforvaltaren har ikkje avgjerande merknader til søknadene om utsett byggjefrist for Sessaelva kraftverk og Haugaelva kraftverk. Vi vil likevel minne om tidlegare innspel som gjeld detaljprosjektering av Haugaelva kraftverk, for å kunne ivareta ein lokalt viktig gamal barskoglokalitet på best mogleg måte.**

---

Vi viser til brevet 29.8.2022 som gjeld høyring av søknad om utsett byggjefrist for Sessaelva kraftverk og Haugaelva kraftverk.

Statsforvaltaren er bedt spesielt om å vurdere om kunnskapsgrunnlaget er tilstrekkeleg etter naturmangfaldlova § 8, eller om det er behov for ytterlegare utgreingar.

### Sessaelva kraftverk

Statsforvaltaren i Vestland har ikkje opplysningar om viktig naturmiljø eller anna gjeldande våre ansvarsområde som ikkje var kjent i konsesjonsprosessen for Sessaelva kraftverk. I høyringa påpeika vi at kartlegginga av naturmiljø blei gjennomført så seint i sesongen, at det ikkje var dekkande for karplanteflora og fugl. Det er likevel ikkje sannsynleg at nye feltundersøkingar vil gi nye tungtvegande funn som får noko å seie i konsesjonsvurderinga. Med vassveg i tunnel, og krav i konsesjonen om noko mindre slukeevne enn prosjektsøknaden la opp til, blei det vurdert at konsekvensane ville bli akseptable for bekkeløfta med verdi lokalt viktig (C) og fjordlandskapet.

Vi vil ut frå dette ikkje rå frå at det blir gitt utsett byggjefrist for Sessaelva kraftverk.

### Haugaelva kraftverk

Det aktuelle området ligg nordvendt på søraustsida av Storfjorden/Eimhjellevatnet. Ut frå registreringar på søraustsida av vatnet i 2016, blei det funne høge verdier for naturmangfald, særleg av raudlista artar knytt til regnskogsmiljø. Det kan truleg vere potensial for raudlisteartar langs heile søraustsida av vatnet.

Naturmiljøkartlegginga for Haugaelva kraftverk påviste ein gamal barskog med verdi lokalt viktig (C). Dette var ikkje avgjerande i konsesjonsvurderinga. Vi minner likevel om tilrådinga om at detaljprosjekteringa må følgjast nøye opp, slik at røyrгатетraséen gjennom barskoglokaliteten blir



lagt utanom gamle furu- og bjørketre. Vidare bør anleggsvegen følgje heile røyrgatetraséen, for å unngå å måtte byggje mange mellombelse tverrveggar inn mot røyrgata. I høyringa spelte vi òg inn korleis storaure i Storelva kunne ivaretakast ved ei utbygging, og vi var kritiske til at vatnet ikkje skulle tilbakeførast til elva. Kunnskapsgrunnlaget om fisk var likevel tilstrekkeleg, og nye fiskeundersøkingar vil lite truleg få vesentleg å seie i ei eventuell ny konsesjonsvurdering.

Ut frå dette vil vi ikkje rå frå at det blir gitt utsett byggjefrist for Haugaelva kraftverk.

Med helsing

Tore Larsen  
seniorrådgjevar

Eyvin Søltnæs  
seniorrådgjevar

*Dokumentet er elektronisk godkjent*

Kopi til:

Vestland fylkeskommune  
Gloppen kommune

Postboks 7900  
Grandavegen 9

5020  
6823

BERGEN  
SANDANE